

Broj: 01-01.3-6948-33/22 MA

Datum: 25.01.2023. godine

Na osnovu člana 70. st. (4) i (6) Zakona o javnim nabavkama ("Službeni glasnik BiH", b.: 39/14 i 59/22), člana 15. Pravilnika o javnim nabavkama JP Autoceste FBiH d.o.o. Mostar, br.: NO 1.01-724-11/15 od 24.02.2015. godine i NO 1.01-3309-3/19 od 26.07.2019. godine te preporuke Komisije za nabavku konstatovane u Zapisniku o pregledu i ocjeni konačnih ponuda, broj: 01-01.3-6948-32/22 MA od 24.01.2023. godine, direktor Javnog preduzeća Autoceste Federacije Bosne i Hercegovine društvo sa ograničenom odgovornošću Mostar donosi sljedeću:

## ODLUKU o poništenju postupka javne nabavke

I

Poništava se pregovarački postupak s objavom obavještenja, broj: 01-01.3-6948/22 MA a koji se odnosi na nabavku radova: „**Radovi na redovnom i zimskom održavanju autoceste A 1 dionice: Svilaj-Odžak**“, na osnovu člana 69. stav (3) Zakona o javnim nabavkama (u daljem tekstu: Zakon) odnosno zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke jer su cijene svih ponuda iste što onemogućava izbor ponude na osnovu kriterija „na niža cijena“, te na osnovu člana 69. stav (2) tačka e) Zakona, jer su cijene svih prihvatljivih ponuda znatno veće od osiguranih sredstava za predmetnu nabavku.

II

Postupak se poništava nakon provedenog pregovaračkog postupka s objavom obavještenja o nabavci koji je započeo kao otvoreni postupak, u skladu sa članom 20. stav (1) tačka a) Zakona. Za otvoreni postupak je na Portalu javnih nabavki dana 21.05.2020. godine objavljeno Obavještenje o nabavci, broj: 266-1-3-280-3-235/22 dana, Ispravka za obavještenje o nabavci, broj: 266-1-3-280-8-274/22 objavljena dana 29.11.2022. godine i Ispravka za obavještenje o nabavci, broj: 266-1-3-280-8-277/22 objavljena dana 05.12.2022. godine. U otvorenom postupku zaprimljena su tri ponude. U pregovaračkom postupku s objavom obavještenja o nabavci zaprimljene su tri konačne ponude.

III

U skladu sa članom 70. stav (6) Zakona, JP Autoceste FBiH d.o.o. Mostar će ovu Odluku objaviti na svojoj internet stranici: [www.jpautoceste.ba](http://www.jpautoceste.ba) i to istovremeno s upućivanjem odluke ponuđačima koji su učestvovali u postupku.



## O b r a z l o ž e n j e

Javno preduzeće Autoceste Federacije Bosne i Hercegovine društvo sa ograničenom odgovornošću Mostar je u skladu sa čl. 14. stav (4), 17. stav (1), 18. stav (1), 19. stav (1) 32. stav (1) pokrenulo otvoreni postupak za nabavku radova: „**Radovi na redovnom i zimskom održavanju autoceste A 1 dionice: Svilaj-Odžak**“. Na Portalu javnih nabavki objavljeno je Obavještenje o nabavci, broj: 266-1-3-280-3-235/22 dana 21.10.2022. godine, Ispravka za obavještenje o nabavci, broj: 266-1-3-280-8-274/22 dana 29.11.2022. godine i Ispravka za obavještenje o nabavci, broj: 266-1-3-280-8-277/22 godine dana 05.12.2022. godine. Kriterij za dodjelu ugovora je „najniža cijena“.

Na osnovu Obavještenja o nabavci, ispravki za obavještenje o nabavci i tenderske dokumentacije zakazano je javno otvaranje ponuda dana 06.12.2022. godine u 12:30 sati u prostorijama Javnog preduzeća Autoceste Federacije Bosne i Hercegovine d.o.o. Mostar, Operativni ured u Sarajevu, Hamdije Kreševljakovića 19, Sarajevo. Komisija je na javnom otvaranju ponuda konstatovala da su do utvrđenog krajnjeg roka za prijem ponuda zaprimljene tri ponude.

Budući da su u otvorenom postupku zaprimljene 3 (tri) ponude od kojih ni jedna nije ispunjavala sve postavljene uslove, ugovorni organ je, u skladu sa Odlukom o prelasku otvorenog postupka u pregovarački postupak s objavom obavještenja, broj: 01-01.3-6948-22/22 MA od 20.12.2022. godine, sa sljedećim ponuđačima: ponuđač - grupa ponuđača BalegeM d.o.o. Gradačac i PZC Brod d.o.o. Slavonski Brod, Hrvatska, zatim ponuđač - grupa ponuđača Roding d.o.o. Gračanica i DobjPutevi d.d. Dobj Jug te ponuđač Ceste d.d. Mostar, nastavio postupak putem pregovaračkog postupka s objavom obavještenja, na osnovu člana 20. stav (1) tačka a) Zakona. Navedeni član Zakona propisuje da se ugovor o javnoj nabavci robe, usluga ili radova može dodijeliti u pregovaračkom postupku s objavom obavještenja ako u otvorenom ili ograničenom postupku ili u postupku takmičarskog dijaloga dobije sve ponude koje ne ispunjavaju uslove kvalifikacije, a osnovni uslovi za dodjelu ugovora se nisu bitno promijenili, ugovorni organ nije obavezan ponovo objaviti obavještenje o nabavci, pod uslovom da pozove sve ponuđače, odnosno kandidate da otklone nedostatke u svojim ponudama, te svoje ponude učine prihvatljivim.

Na osnovu Obavještenja o nabavci, ispravki za obavještenje o nabavci, tenderske dokumentacije i provedenih pregovora, sljedeći ponuđači: ponuđač - grupa ponuđača BalegeM d.o.o. Gradačac i PZC Brod d.o.o. Slavonski Brod, Hrvatska, zatim ponuđač - grupa ponuđača Roding d.o.o. Gračanica i DobjPutevi d.d. Dobj Jug te ponuđač Ceste d.d. Mostar su do termina utvrđenog za predaju konačne ponude dostavili svoje konačne ponude, dana 10.01.2023. godine do 12:00 sati.

Nakon pregleda i ocjene konačnih ponuda, Komisija za javne nabavke, imenovana Rješenjem broj: 01-01.3-6948-4/22 MA od 27.10.2022. godine je ocijenila da su sve tri dostavljene konačne ponude prihvatljive, odnosno da ispunjavaju sve uslove i zahtjeve propisane tenderskom dokumentacijom i dogovorene na pregovorima održanim 23.12.2022. godine, što je evidentirano u Zapisniku o pregledu i ocjeni konačnih ponuda u pregovaračkom postupku s objavom obavještenja, broj: 01-01.3-6948-32/22 MA od 24.01.2023. godine.

Međutim, Komisija za nabavke je takođe utvrdila da su cijene svih konačnih ponuda iste (3.500.000,00 KM bez PDV-a, odnosno 4.095.000,00 KM sa PDV-om) te da značajno (za



**CIPS**  
CORPORATE  
CERTIFICATION

Identifikacijski broj: 4227891540005 PDV broj: 227891540005  
Glavni račun: Union banka Sarajevo 102001000044039  
Transakcijski račun: Raiffeisen bank dd Sarajevo, glavna filijala Mostar 1610200062470038  
Federalna taksa za korištenje autoceste: 1610200062470232 i 3386902296565422  
Naknada za korištenje cestovnog zemljišta: 1610200062470135 i 3386902296565459  
Registровано u Općinskom sudu u Mostaru, MBS 58-01-0179-10

*pd*

1.500.000,00 KM odnosno za 75%) prelaze procijenjenu vrijednost nabavke koja iznosi 2.000.000,00 KM bez uključenog PDV-a, iako je Komisija za nabavke prilikom pregovora pozvala sve ponuđače da snize cijene u odnosu na cijene dostavljene u otvorenom postupku.

S obzirom na činjenicu da je održavanje e-aukcije u predmetnom postupku moglo dovesti do razlike u cijenama dostavljenih ponuda, kao i do snižavanja cijena (minimalno jedne ponude) tako da budu u okviru procijenjene vrijednosti nabavke, ugovorni organ je dana 18.01.2023. godine zakazao e-aukciju. Ista je održana dana 20.01.2023. godine sa početkom u 13:30 sati i završetkom u 13:40 sati. Za vrijeme trajanja e-aukcije, nije došlo do promijene cijena ponuđenih u konačnim ponudama.

Imajući u vidu navedeno, Komisija za nabavke je dala prijedlog ugovornom organu da se postupak nabavke radova „Radovi na redovnom i zimskom održavanju autoceste A 1 dionice: Svilaj-Odžak“ poništi na osnovu člana 69. stav (3) Zakona odnosno zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke jer su cijene svih ponuda iste što onemogućava izbor ponude na osnovu kriterija „najniža cijena“, te na osnovu člana 69. stav (2) tačka e) Zakona, jer su cijene svih prihvatljivih ponuda znatno veće od procijenjene vrijednosti nabavke, odnosno od osiguranih sredstava za predmetnu nabavku.

Shodno navedenom, ugovorni organ je prihvatio prijedlog Komisije i donio Odluku kao u dispozitivu.

### **Pouka o pravnom lijeku:**

Protiv ove Odluke može se izjaviti žalba u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

Prilog:

- Zapisnik o pregledu i ocjeni ponuda, broj: 01-01.3-6948-32/22 MA od 24.01.2023. godine.

**izvršni direktor  
za upravljanje i održavanje**

.....  
**Mirko Rogić, dipl.iur.**

**direktor:**  
.....  
**Elmedin Voloder, dipl.ing.građ.**



Identifikacijski broj: 4227691540005 PDV broj: 227691540005  
Glavni račun: Union banka Sarajevo 102001000014039  
Transakcijski račun: Raiffeisen bank dd Sarajevo, glavna filijala Mostar 1610200062470038  
Federalna taksa za korištenje autoceste: 1610200062470232 i 3386902296565422  
Naknada za korištenje cestovnog zemljišta: 1610200062470135 i 3386902296565419  
Registровано u Općinskom sudu u Mostaru, MBS 58-01-0179-10

Broj: 01-01.3-6948-32/22 MA  
Datum: 24.01.2023. godine

U skladu sa članom 65. Zakona o javnim nabavkama („Službeni glasnik BiH“, br.: 39/14 i 59/22), članom 18. Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15) i članom 14. Pravilnika o javnim nabavkama JP Autoceste FBiH d.o.o. Mostar, broj: NO-1.01-724-11/15 od 24.02.2015. godine, Komisija za javne nabavke, imenovana Rješenjem broj: 01-01.3-6948-4/22 MA od 27.10.2022. godine, dostavlja:

## ZAPISNIK O PREGLEDU I OCJENI KONAČNIH PONUDA u pregovaračkom postupku s objavom obavještenja

- a) **Naziv i sjedište ugovornog organa:** JP Autoceste FBiH d.o.o. Mostar;
- b) **Predmet nabavke:** Nabavka radova: „Radovi na redovnom i zimskom održavanju autoceste A 1 dionice: Svilaj-Odžak“;
- c) **Evidencijski broj nabavke:** 01-01.3-6948/22 MA;
- d) **Vrsta postupka javne nabavke:** Pregovarački postupak s objavom obavještenja, u skladu sa članom 20. stav (1) tačka a) Zakona o javnim nabavkama;
- e) **Procijenjena vrijednost nabavke:** 2.000.000,00 KM (bez PDV-a) za okvirni sporazum na period od četiri godine;
- f) **Broj obavještenja o nabavci sa Portala javnih nabavki:** 266-1-3-280-3-235/22, objavljeno dana 21.10.2022. godine, Ispravka za obavještenje o nabavci, broj: 266-1-3-280-8-274/22 objavljena dana 29.11.2022. godine i Ispravka za obavještenje o nabavci, broj: 266-1-3-280-8-277/22 godine objavljena dana 05.12.2022. godine;
- g) **Datum početka pregleda i ocjene konačnih ponuda:** Komisija je počela sa pregledom konačnih ponuda 11.01.2023. godine;
- h) **Naziv i sjedište svih ponuđača, prema redoslijedu zaprimanja konačnih ponuda:** Komisija za javne nabavke za predmetni postupak je utvrdila da su do krajnjeg roka za dostavljanje konačnih ponuda, blagovremeno zaprimljene 3 (tri) konačne ponude kako slijedi:
- **Grupa ponuđača BalegeM d.o.o. Gradačac i PZC Brod d.o.o. Slavonski Brod, Hrvatska,** zaprimljena dana 10.01.2023. godine u 11:22 sati, sa ponuđenom cijenom u iznosu od 3.500.000,00 KM bez uključenog PDV-a, odnosno 4.095.000,00 KM sa uključenim PDV-om;
  - **Grupa ponuđača: Roding d.o.o. Gračanica i DobojPutevi d.d. Doboj Jug,** zaprimljena dana 10.01.2023. godine u 11:22 sati, sa ponuđenom cijenom u iznosu od 3.500.000,00 KM bez uključenog PDV-a, odnosno 4.095.000,00 KM sa uključenim PDV-om;
  - **Ceste d.d. Mostar,** zaprimljena dana 10.01.2023. u 11:25 sati, sa ponuđenom cijenom u iznosu 3.500.000,00 KM bez uključenog PDV-a, odnosno 4.095.000,00 KM sa uključenim PDV-om.

- i) **Informacije o produženju perioda važenja ponuda u skladu sa članom 60. stav (2):** Nije traženo produženje perioda važenja ponuda.
- j) **Podaci o ispravkama, ukoliko su iste uočene u ponudi i koje su urađene na način da su vidljive (ispravljani podaci moraju biti vidljivi), potvrđene potpisom ponuđača i sa datumom izvršene ispravke:** U konačnim ponudama nisu uočene ispravke.
- k) **Prikaz dostavljenih dokumenata u skladu sa članom 20. stav (1) tačka a) Zakona kojim se otklanjaju nedostaci u početnim ponudama:**

1. Dostavljena konačna ponuda ponuđača – grupe ponuđača **BalegeM d.o.o. Gradačac i PZC Brod d.o.o. Slavonski Brod, Hrvatska** sadrži sljedeće:

- Popunjen Obrazac za konačnu ponudu (Aneks 2.1);
- Popunjen Obrazac za cijenu konačne ponude (Aneks 3.1);
- ovjerene kopije saobraćajne dozvole za specijalna višenamjenska vozila (2 kom), utovarivač (1 kom), kombinovani radni stroj utovarivač-rovokopač (1 kom) i grejder (1 kom);
- Spisak raspoložive opreme i mehanizacije (obrazac u skladu sa Aneksom 8.1) sa popunjenim redovima 2., 8. 9. i 10. (specijalna višenamjenska vozila, utovarivač, kombinovani radni stroj utovarivač - rovokopač i grejder).

Shodno navedenom ponuđač - grupa ponuđača **BalegeM d.o.o. Gradačac i PZC Brod d.o.o. Slavonski Brod, Hrvatska** je dostavljanjem naprijed navedene dokumentacije ispunio sve uslove iz tenderske dokumentacije broj: 01-01.3-6948-1/22 MA u konačnoj ponudi, čime su otklonjeni nedostaci iz početne ponude.

2. Dostavljena konačna ponuda ponuđača - grupe ponuđača **Roading d.o.o. Gračanica i DobojPutevi d.d. Doboj Jug** sadrži sljedeće:

- Popunjen Obrazac za konačnu ponudu (Aneks 2.1);
- Popunjen Obrazac za cijenu konačne ponude (Aneks 3.1);
- biografije (CV-jeve) za voditelja radova, predradnike/poslovođe i ophodare, svojeručno potpisane od strane navedenog osoblja, iz kojih je jasno vidljivo da predložena lica posjeduju traženo iskustvo na zahtijevanim poslovima redovnog održavanja cesta;
- ovjerene kopije saobraćajne dozvole za utovarivač (1 kom) i grejder (1 kom);
- Spisak raspoložive opreme i mehanizacije (obrazac u skladu sa Aneksom 8.1) sa popunjenim redom 8. (utovarivač).

Shodno navedenom ponuđač - grupa ponuđača **Roading d.o.o. Gračanica i DobojPutevi d.d. Doboj Jug** je dostavljanjem naprijed navedene dokumentacije ispunio sve uslove iz tenderske dokumentacije broj: 01-01.3-6948-1/22 MA u konačnoj ponudi, čime su otklonjeni nedostaci iz početne ponude.

3. Dostavljena konačna ponuda ponuđača **Ceste d.d. Mostar** sadrži sljedeće:

- Popunjen Obrazac za konačnu ponudu (Aneks 2.1);
- Popunjen Obrazac za cijenu konačne ponude (Aneks 3.1);
- biografije (CV-jeve) za voditelja radova, predradnike/poslovođe i ophodare, svojeručno potpisane od strane navedenog osoblja, iz kojih je jasno vidljivo da predložena lica posjeduju traženo iskustvo na zahtijevanim poslovima redovnog održavanja cesta. Za voditelja radova i predradnike/poslovođe iz cv-ja je jasno vidljivo da posjeduju najmanje traženi broj godina radnog iskustva u struci;



**CIPS**  
CORPORATE  
CERTIFICATION

Identifikacijski broj 4227691540005 PDV broj 227691540005  
Glavni račun: Union banka Sarajevo 1020010000014039  
Transakcijski račun: Raiffeisen bank dd Sarajevo, glavna filijala Mostar 1610200062470038  
Federalna taksa za korištenje autoceste: 1610200062470232 i 3386902296565422  
Naknada za korištenje cestovnog zemljišta: 1610200062470135 i 3386902296564549  
Registровано u Općinskom sudu u Mostaru, MBS 58-01-0179-10

- važeće upotrebne dozvole za plug za uklanjanje snijega min. širine 3,0 m (2 komada) na kojima su navedeni potrebni tehnički podaci, tako da se može utvrditi da ispunjavaju tražene uslove iz tač. 7.3.1 c) tenderske dokumentacije;
- Garanciju za ozbiljnost ponude u formi koja je sastavni dio tenderske dokumentacije kao Aneks 13. Iznos tražene garancije za ponudu je **30.000,00 KM** (riječima: tridesethiljada i 00/100 KM) i ista važi u čitavom periodu važenja ponude (tj. 120 dana od dana otvaranja ponuda). Napomena: ponuđač Ceste d.d. Mostar je u ponudi u otvorenom postupku dostavio Izmjenu br. 1 Garancije za ozbiljnost ponude br. WD221104IB.61844 sa rokom važenja do 05.04.2023. godine.

Shodno navedenom ponuđač **Ceste d.d. Mostar** je dostavljanjem naprijed navedene dokumentacije ispunio sve uslove iz tenderske dokumentacije broj: 01-01.3-6948-1/22 MA u konačnoj ponudi, čime su otklonjeni nedostaci iz početne ponude.

- l) Naziv i sjedište ponuđača koji se isključuju zbog neispunjavanja uslova za kvalifikaciju, te obrazloženje razloga njihovog isključenja za svakog ponuđača posebno:** Nema ponuđača čije konačne ponude se isključuju.
- m) Prikaz traženih i dostavljenih garancija za ozbiljnost ponude:** Ugovorni organ je u otvorenom postupku zahtijevao bankarsku garanciju za ozbiljnost ponude u iznosu od 30.000,00 KM (slovima: tridesethiljada i 00/100 konvertibilnih maraka) sa rokom važenja 120 dana od dana otvaranja ponuda (do 05.04.2023.godine). Ponuđači - grupe ponuđača **Roading d.o.o. Gračanica i DobojPutevi d.d. Doboj Jug te BalegeM d.o.o. Gradačac i PZC Brod d.o.o. Slavonski Brod, Hrvatska** su uredno dostavili zahtijevanu bankarsku garanciju sa propisanim rokom važenja u otvorenom postupku, dok je ponuđač **Ceste d.d. Mostar** navedeno dostavio u konačnoj ponudi (u otvorenom postupku dostavljena izmjena originalnog dokumenta garancije sa traženim rokom važenja, a originalni dokument nije dostavljen). Period važenja konačnih ponuda traje do isteka perioda važenja ponuda dostavljenih u otvorenom postupku.
- n) Podaci o pojašnjenju ponuda:** Nije traženo pojašnjenje ponuda.
- o) Prikaz prihvatljivosti konačnih ponuda prema obliku, sadržaju i potpunosti iz zapisnika sa otvaranja ponuda:** Zaprimljene konačne ponude su uredno zapakovane, obrasci čitko popunjeni, cijena bez PDV-a upoređena u obrascima Aneks 2.1 i Aneksi 3.1, identična u oba obrasca;
- p) Analitički prikaz traženih i dostavljenih dokaza profesionalne i tehničke sposobnosti ponuđača:** U skladu sa tačkom k) ovog Zapisnika.
- q) Analiza ponuda vezano uz ispunjenje zahtjeva u pogledu opisa predmeta nabavke i tehničkih specifikacija:** Zaprimljene ponude u otvorenom postupku ispunjavaju sve zahtjeve u pogledu opisa predmeta nabavke i tehničke specifikacije, odnosno svi ponuđači su dostavili parafiran Predgovor Predmjeru radova – Aneks 11 i popunjen i opečaćen Predmjer radova – Aneks 11.1.
- r) Podaci o ispravkama računskih grešaka u konačnim ponudama ako ih je bilo:** Nije bilo računskih grešaka u zaprimljenim konačnim ponudama;
- s) Razlozi za odbijanje konačne ponude zbog neprirodno niske cijene:** Nije primjenjivo;
- t) Provođenje e-aukcije u skladu sa Pravilnikom o uslovima i načinu korištenja e-aukcije („Sl.glasnik BiH“ broj 66/16):** Ugovorni organ je u tenderskoj dokumentaciji i Obavještenju o nabavci za predmetnu nabavku za otvoreni postupak predvidio održavanje e-aukcije. S obzirom na činjenicu da u otvorenom postupku, od tri zaprimljene ponude,



nijedna nije bila prihvatljiva, postupak je prešao u pregovarački sa objavom obavještenja prema Odluci ugovornog organa, broj: 01-01.3-6948-22/22 MA od 20.12.2022. godine, u skladu sa članom 20. stav (1) tačka a) Zakona. U pregovaračkom postupku, Komisija za nabavke je prilikom pregleda i ocjene blagovremeno pristiglih konačnih ponuda utvrdila da su ponude **ponuđača – grupe ponuđača BalegeM d.o.o. Gradačac i PZC Brod d.o.o. Slavonski Brod, Hrvatska, zatim ponuđača – grupe ponuđača Roding d.o.o. Gračanica i DobojPutevi d.d. Doboj Jug te ponuđača Ceste d.d. Mostar**, dakle svih ponuđača koji su dostavili ponude, prihvatljive, odnosno da ispunjavaju sve kvalifikacione uslove iz čl. 45., 46., 51. i 52. Zakona (tač. 7.1.1., 7.2.1., 7.3.1. i 7.5.1. tenderske dokumentacije), kao i druge zahtjeve iz tenderske dokumentacije te su dostavljeni svi dokazi zahtijevani tenderskom dokumentacijom na propisan način.

Međutim, Komisija za nabavke je takođe utvrdila da su **cijene svih ponuda iste** (3.500.000,00 KM bez PDV-a, odnosno 4.095.000,00 KM sa PDV-om) te da **značajno prelaze procijenjenu vrijednost nabavke** koja iznosi 2.000.000,00 KM bez uključenog PDV-a, iako je Komisija za nabavke prilikom pregovora pozvala sve ponuđače da snize cijene u odnosu na cijene dostavljene u otvorenom postupku.

S obzirom na činjenicu da je održavanje e-aukcije u predmetnom postupku moglo dovesti do razlike u cijenama dostavljenih ponuda, kao i do snižavanja cijena (minimalno jedne ponude) tako da budu u okviru procijenjene vrijednosti nabavke, ugovorni organ je dana 18.01.2023. godine zakazao e-aukciju. Ista je održana dana 20.01.2023. godine sa početkom u 13:30 sati i završetkom u 13:40 sati. Za vrijeme trajanja e-aukcije, nije došlo do promijene cijena ponuđenih u konačnim ponudama. Izvještaj o provedenoj e-aukciji nalazi se u prilogu ovog Zapisnika i čini njegov sastavni dio.

- u) Rangiranje prihvatljivih konačnih ponuda prema kriteriju za izbor ponude:** Kriterij za dodjelu ugovora je „najniža cijena“. Nakon okončane e-aukcije koja je trajala 10 minuta, komisija je konstatovala da nije došlo do promijene cijena ponuđenih u konačnim ponudama, te je utvrdila da su svi ponuđači ponudili iste cijene kako slijedi:

Naziv ponuđača	Cijena bez PDV-a za okvirni sporazum prije e-aukcije (KM)	Popust (%)	Umanjenje cijene nakon održane e-aukcije	Ukupna cijena bez PDV-a nakon završene e-aukcije (KM)	PDV (17%) u KM	Ukupna cijena sa PDV-om za okvirni sporazum nakon održane e-aukcije (KM)
BalegeM d.o.o. Gradačac i PZC Brod d.o.o. Slavonski Brod, Hrvatska	3.500.000,00	-	-	3.500.000,00	595.000,00	4.095.000,00
Roding d.o.o. Gračanica i DobojPutevi d.d. Doboj Jug	3.500.000,00	-	-	3.500.000,00	595.000,00	4.095.000,00
Ceste d.d. Mostar	3.500.000,00	-	-	3.500.000,00	595.000,00	4.095.000,00



- v) **Naziv ponuđača s kojim ugovorni organ namjerava zaključiti ugovor o javnoj nabavci i razlozi za njegov izbor:** S obzirom na činjenicu da su svi ponuđači u konačnim ponudama ponudili istu cijenu, okvirni sporazum se ne može dodijeliti niti jednom ponuđaču, jer ista cijena svih ponuda onemogućava izbor ponude na osnovu kriterija „najniža cijena“. Pored toga, cijene svih prihvatljivih ponuda prelaze procijenjenu vrijednost nabavke, odnosno veće su od sredstava osiguranih za predmetnu nabavku;
- w) **Podaci o dijelu ugovora koji se daje u podugovor i podatke o podizvođaču:** Nije primjenjivo;
- x) **Podaci o provjeri najpovoljnijeg ponuđača sa kojim ugovorni organ namjerava zaključiti okvirni sporazum:** Nije primjenjivo;
- y) **Prijedlog odgovornoj osobi ugovornog organa za donošenje odluke o izboru ili odluke o poništenju, s obrazloženjem:** Ponuđači **grupa ponuđača BalegeM d.o.o. Gradačac i PZC Brod d.o.o. Slavonski Brod, Hrvatska, zatim grupa ponuđača Roding d.o.o. Gračanica i DobojPutevi d.d. Doboj Jug te ponuđač Ceste d.d. Mostar**, čije su konačne ponude prihvatljive, su ponudili iste cijene konačnih ponuda u predmetnom postupku javne nabavke. Cijena ponuda navedenih ponuđača je 3.500.000,00 KM bez PDV-a, odnosno 4.095.000,00 KM sa PDV-om, dok je procijenjena vrijednost nabavke 2.000.000,00 KM bez uključenog PDV-a.

S obzirom na to da je cijena ponude svih ponuđača ista, odnosno konkretno za 1.500.000,00 KM tj. za 75% veća od procijenjene vrijednosti nabavke odnosno od osiguranih sredstava za predmetnu nabavku, Komisija daje prijedlog direktoru Javnog preduzeća Autoceste Federacije Bosne i Hercegovine društvo sa ograničenom odgovornošću Mostar da donese Odluku kojom se:

- postupak nabavke radova „**Radovi na redovnom i zimskom održavanju autoceste A 1 dionice: Svilaj-Odžak**“ poništava na osnovu člana 69. stav (3) Zakona o javnim nabavkama odnosno zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke jer su cijene svih ponuda iste što onemogućava izbor ponude na osnovu kriterija „najniža cijena“, te na osnovu člana 69. stav (2) tačka e) Zakona o javnim nabavkama, jer su cijene svih prihvatljivih ponuda znatno veće od procijenjene vrijednosti nabavke, odnosno od osiguranih sredstava za predmetnu nabavku.

Ovim putem Komisija konstatuje i to da je prilikom pregleda i ocjene ponude utvrdila da su cijene svih stavki iz Obrasca za cijenu konačne ponude identične kod sva tri ponuđača, što neosporno ukazuje na dogovor između ponuđača koji su dostavili konačne ponude.

- z) **Datum završetka postupka pregleda i ocjene ponuda:** Komisija je završila pregled i ocjenu ponuda dana 20.01.2023. godine;
- aa) **Popis priloga uz zapisnik (zahtjevi za pojašnjenjem i/ili upotpunjavanjem dokumenata i ponuda, zahtjevi za dostavom originala ili ovjerenih kopija traženih dokumenata, zahtjevi za prihvatanjem ispravke računске greške, zahtjevi za objašnjenjem neprirodno niske cijene, dostavljeni dokumenti, pojašnjenja, objašnjenja, prihvatanje ispravke, mišljenje stručne službe ugovornog organa ili stručne osobe, i sl.):**
- Zapisnik o pregovorima sa ponuđačem Ceste d.d. Mostar, broj: 01-01.3-6948-26/22 MA od 23.12.2022. godine;





- Zapisnik o pregovorima sa ponuđačem - grupom ponuđača Roding d.o.o. Gračanica i Doboju Putevi d.d. Doboju Jug, broj: 01-01.3-6948-27/22 MA od 23.12.2022. godine;
- Zapisnik o pregovorima sa ponuđačem - grupom ponuđača BalegeM d.o.o. Gradačac i PZC Brod d.o.o. Slavonski Brod, Hrvatska, broj: 01-01.3-6948-28/22 MA od 23.12.2022. godine;
- Izvještaj o toku i završetku e-aukcije.

**bb) Ime i prezime te potpis ovlaštenih predstavnika ugovornog organa koji su izvršili pregled i ocjenu ponuda:**

Članovi komisije:

Melika Alajbegović, predsjednik komisije

Edin Sijamić, član komisije

Danijel Ivanković, član komisije

*Alajbegović*  
*Sijamić*  
*Ivanković*

Saglasan:  
  
 Elmedin Voloder, dipl.ing.građ.,  
 direktor



*Pa*



## IZVJEŠTAJ O TOKU I ZAVRŠETKU E-AUKCIJE

Broj postupka:	266-1-3-280/22
Naziv ugovornog organa koji je objavio obavještenje:	JAVNO PREDUZEĆE AUTOCESTE FBiH D.O.O. MOSTAR
IDB/JIB ugovornog organa koji je objavio obavještenje:	4227691540005
Vrsta postupka:	Otvoren postupak
Kriterij za dodjelu ugovora	Najniža cijena
Naziv predmeta ugovora:	Radovi na redovnom i zimskom održavanju autoceste A1 dionice: Svilaj - Odžak
Datum i vrijeme kreiranja izvještaja:	20.1.2023. 13:41:10

Datum i vrijeme zakazivanja e-Aukcije:	18.1.2023. 13:28:19
Predviđeno vrijeme trajanja zakazane e-Aukcije:	10

### POČETNA RANG LISTA PONUĐAČA KOJI SU POZVANI DA UČESTVUJU U E-AUKCIJI

R.br.	Naziv ponuđača	IDB/JIB	Početna cijena u KM bez PDV-a	Rang
1	CESTE D.D. MOSTAR	4227038030000	3500000,00	1
2	ROADING D.O.O., DOBOJPUTEVI DD DOBOJ JUG	4209306750004	3500000,00	1
3	PZC BROD D.O.O., SLAVONSKI BROD, "BALEGEM" D.O.O. GRADAČAC	4209065880009	3500000,00	1

### TOK E-AUKCIJE

#### Period trajanja e-Aukcije

Početak: 20.1.2023. 13:30:00

Završetak: 20.1.2023. 13:40:00

Minimalna razlika podnesene cijene: 3500,00

Maksimalna razlika podnesene cijene: 350000,00

R.br.	Naziv ponuđača	IDB/JIB	Datum i vrijeme podnošenja nove cijene	Cijena u KM bez PDV-a
Nije bilo podnošenja ponuda.				

### KONAČNA RANG LISTA PONUĐAČA KOJI SU UČESTVOVALI U E-AUKCIJI

R.br.	Naziv ponuđača	IDB/JIB	Konačna cijena u KM bez PDV-a	Umanjenje cijene	Rang
1	CESTE D.D. MOSTAR	4227038030000	3500000,00	0%	1
2	ROADING D.O.O., DOBOJPUTEVI DD DOBOJ JUG	4209306750004	3500000,00	0%	1
3	PZC BROD D.O.O., SLAVONSKI BROD, "BALEGEM" D.O.O. GRADAČAC	4209065880009	3500000,00	0%	1

\*\* Označava približnu vrijednost procentualnog umanjenja nakon zaokruživanja na dvije decimale

Status e-Aukcije	Završena
------------------	----------